

պիտրոսի. զոր եթէ տէր կամեսցի. սկսանիմ յետ զատկին. զի այժմ ի պատրաստութիւն քարոզի պարապիմ, զոր ի մօտոյ սկսանիմ: Ընդդիմագրութեանն անուն եղի ի ճակատ գրքոյն Վահան սրբոյն Պետրոսի և յաչորդաց լորա. և Տուռնարի սրբոյն Լևոնի: Եւ կարծեմ թէ բաց յերից անտի երկու հատոր ևս արտադրին՝ մինն վասն յաջորդաց, և միւսն վասն տումարին: Եւ մի հատոր ևս ի սոսին յաւելեալ վասն քաղկեդոնի ժողովոյն:...

Առ այս գործ բազում անգամ պիտոյացաւ ինձ մեկնութիւն ոսկեբերանին, որ կայր ի վանս փատրոց. բայց ոչ գիտեմ զի՞ եղև. զի յետ գնալոյ կուռնելիոս եպիսկոպոսին ոչ ևս երևի այն ի վանս. և ստոյգ է՝ թէ նա ոչ տարաւ ընդ իւր զայնչափ ծանրութիւն: Կարծեմ թէ ևն. զի և ի խնդրել ի նոցանէ զայլ գիրս՝ յոյժ դժուարաւ տան: Իսկ զկէմէսն գտի այլուստ. թէպէտ և այն միայն վասն վկայութեան սուրբ հարցն պիտոյանայ ինձ, և պիտոյացի ևս յետոյ վասն տումարի լևոնին ևն.: Իսկ ձեռագիր աստուածաբանութիւնն կարի իմն պիտոյացաւ ինձ, մանաւանդ ճառն ի վերայ հաւատոյ... նաև ճառն ի վերայ երրորդութեան. քանզի յաւարտիլ սոցին՝ ի վերայ բղխման հոգւոյն սրբոյ ևս կամիմ գրել, եթէ տէր կամեսցի. թէպէտ ժամանակ ևս ոչ գոյ, ոչ միայն վասն երթևեկութեան, այլ յաւելտ վասն այտորիկ՝ զի յաշնան և ի ձմեռն մինչ ի զատիկ քարոզելոյ պարապիմ: Իսկ յամառան ջերմութիւն տօթոյն ոչ թողու:...

... պատրայածինք ողջոյն բթամիտ են և անմասն յիշողութեան, մինչև յետ հազարից կրկնելոյ զբան մի՝ հազիւ) տպաւորեն յուղեղն իւրեանց:...

Ի սեպտեմբերի 13 1771
Ի պատրայ

Նուստ ծառայ
Հ. Միքայէլ Չամչեան] Վ. Ա.

3.

Տէր Կոմիտաս նահատակի գերդաստանին վերաբերեալ նոր տեղեկութիւն մը ահա:

Գերյարգելի Տեսու Տեսու Ստեփանեոսի մեծի Վարդապետի
և Արքայ Հօր գտաչր սզև համբոշրեմ

Որպէս գիտէ Գերյարգութիւն ձեր, թէ է ոմն ի Վիեննայ յազգէ մերմէ կայսերական քուռիէր Յօհաննէս Մօնհայիմ անուամբ, որ է եղբայր կնոջ որդւոյ միոյ Երանելի տէր Կոմիտասին. սա յետ մեռանելոյ որդւոյ տէր Կոմիտասին և կնոջ նորա, և մնալոյ որդւոց նոցա որբացեալ, ետ բերել զմի յորդւոց քեռ իւրոյ՝ (որ է թոռն տէր Կոմիտասին) ի Վիեննայ, և ջանայ հանել նմա հաց ի կայսերէ, և ցանկայ ունիլ ի ձեռս զպատմութիւն տէր Կոմիտասին, զի նովաւ ցուցեալ զգարմ քեռ որդւոյն դիւրեսցէ հանել զհացն. վասն որոյ գրեալ առ իս խնդրեալ է յինէն գրել առ Գերյարգելութիւն ձեր. զի վասն սիրոյ երանելի տէր Կոմիտասին հաճեջիք յղել ինձ օրինակ մի ի պատմութեանց նորա, որ լինիցի իտալերէն, և թէ ոչ, գոնեայ հայերէն, զի կարացից առաքել զայն ի Վիեննայ, զի յաջողեսցի խեղճ թոռան երանելոյն հաց ինչ յարքունուստ, և հաճեալ ընդ այս բարերարութիւն երանելոյն եղեալ միոյ արենակցւոյն՝ բարիխօս լիցի վասն մեր. զոր և յանձն արարեալ բազում սրտի առատութեան Գերյարգելութեան ձերում մնամ պատասխանելոյ գրոյս, խնդրելով զներումն վասն աշխատութեանց հասուցելոց այսու առ Գերյարգելութիւն ձեր: Եւ յանձն առնելով զիս հաճոյական աղօթից Գերյարգելութեան ձերում մնամ յամենայնի պատրաստական

1771 Հոկտեմբերի 21
Ի Գրիէսդէ

Նուստ ծառայ
Յօհաննէս արիման քահանայ անարժան